

Powšitkowne WOZJEWJENJA

njedźelu, 6. septembra 2026

Nabožne wusyłanja w serbskim rozhłosu

Ewangeliske nabožne wusyłanje w Serbskim rozhłosu MDR ma tutu njedźelu, 6. septembra, serbski superintendent na wuměnkku Jan Malink z Budyšina. Wotkaz na nabožne wusyłanje w mediatece MDR je pod www.posol.de podaty, zdobom chowa so za QR-codom.



Pytaja wosobu za fachowe hladanje

Dom swjateje Ludmile w Chrósćicach poskića džělowe městno fachoweho hladarja starych ludźi. Wone hodži so hnydom wobsadzić. Džěło płaca po tarifowych rjadowanjach Carity. Požadanja přijimuju z póštu abo z mejlku na hl-stl@caritas-ddm.de. Nadrobniše informacije poda nawodnica Mónika Wenclova, telefonowe čisło (03 57 96) 94 73 30. Tež pod tule podatym QR-codom a pod www.posol.de su informacije k džělowemu městnu wozjewjene.



950 lět Hodźijska cyrkej

W Hodźiju swjeća njedźelu, 13. septembra, w 9.30 hodź. składnostnje 950lětneho jubileja, zo bu pod biskopom Benom přěnja kamjentna cyrkej natwarjena, dwurěčnu Božu službu. Swjedženski předar budže sakskej krajny biskop Tobias Bilz. Wšitke chóry Hodźijskeje wosady chcedža kemše wobrubić. Wočakuja katolske a ewangeliske Serbowki w narodnej drasće.

Swójbne popołdnjo TCM we Wotrowje

Sekcija Swójba Towarstwa Cyrila a Metoda z.t. přepróšuje swójby na zabawne popołdnjo, kotraž wotměje so njedźelu, 13. septembra, we Wotrowje. Spočatk budže w 15.00 hodź. při Starej šuli. Po wodženju su wšitcy na swačinu na farje prošeni.

Předstaja oratorij „Wulkotna woda“

Nowy oratorij z titulom „Wulkotna woda“ předstaja chór a rejowanska skupina 1. serbskeje kulturneje brigady, Serbska komorna filharmonija a dalši pjatk, 11. septembra, w 19.30 hodź. kaž tež njedźelu, 13. septembra, w 17.00 hodź. w Budyskej měšćanskej hali „Króna“. Cyłkowny hudźbny nawod změje Judith Kubicec. Spisali a zestajili su jón Róža Domašcyna, Měrcin Weclich, Johannes Gerstengarbe a Maćij Bulank. Link k zastupnym lisćikam je pod www.posol.de podaty. Dalše předstajenje budže njedźelu, 27. septembra, 17.00 hodź. w awli Liberecskeje university w sewjernej Čěskej. Za to móža sej zajimcy zastupny lisćik jeniče telefonisce w Budyskim Serbskim ludowym ansamblu skazać, telefoniske čisło (0 35 91) 35 81 11.

Patronatna Boža mša w Chrósćicach

Wobydlerjo a přistajeni Domu swjateje Ludmile w Chrósćicach změja srjedu, 16. septembra, swój patronatny swjedžen. Patronatna Boža mša budže w 10.00 hodź. we wosadneje cyrkwi. Wšitcy wěriwi su wutrobnje přepróšeni.

Projektowy dzień za džěci

Worklečanske dekanatne dušepastyrstwo za džěci přeprošuje wšitkich šulerjow wot 1. do 6. lětnika ze serbskich wosadow na zhromadny dzień pod hesłom „Stark-Mach-Tag“. Tam tematizuja na jednore wašnje wšědne situacije džěci – wot překročenja hranicow hač k seksualizowanej namocy –, kotrež bychu džěci dožiwić móhli. Zaměr je, džěci přez zhromadnosć z druhimi, wjeselo při hraću a zaběru z wobsahami dnja w jich sebjewědomju skrućić. Zdobom nawuknu wobdžělnicy wjele wo sebi, swójskich prawach a začućach. Zarjadowanje ze stajnje samsnym wobsahom za džěci budže na scěhowych terminach: sobotu, 10. oktobra, w Njebjelčicach, wutoru, 13. oktobra, w Ralbicach a srjedu, 14. oktobra, w Radworju. Zhromadny dzień zahaji so stajnje we 8.45 hodź. a skónči so w 15.00 hodź. Wobdžělenje w druhej město domjacej wosadze je móžne. Za wudawki dnja zběraja sydom eurow. Ličba městnow je wobmjezowana. Přizjewjenja přijimuju hač do pjatka, 18. septembra, online. Link za to je pod www.posol.de wozjewjeny.



Inspiraciski dzień za tych, kiž so we wosadach za džěci a swójby zasadźuja

Drježdžansko-Mišnjanske biskopstwo a iniciatiwa „Misionariske rozmachi“ Ewangelisko-lutherskeje krajneje cyrkwe Sakskeje přeprošujetej wšitkich, kotřiž so w swójbny a džěcacy dušepastyrstwe angažuja abo za to zajimuju, na inspiraciski dzień. Předznajomosće njejsu za to trěbne. Zarjadowanje wotměje so sobotu, 19. septembra, wot 9.30 do 16.00 hodź. w biskopskej zakładnej šuli Maria Montessori na Tzschirnerowej 12 w Budyšinje. Dopolnja kaž tež popołdnu poskića wšelake džěłarnički, mjez druhim, kak móžeš bibliske stawizny žiwje powědać, džěci na přenje swjate woprawjenje přihotować abo wěru z hudźbu a pohibami sposrědkować. Za inspiraciski dzień měli so zajimcy hač do wutory, 8. septembra, online přizjewić. Link z dalšimi informacijemi je pod www.posol.de podaty.

Zetkanje samostejacych

Samostejacy ze serbskich wosadow su na swoje zetkanje wutoru, 15. septembra, w 14.00 hodź. do Smochčanskeho kubłanišća swjateho Bena přeprošeni. Zajimcy njech so hač do wutory, 8. septembra, w redakciji Katolskeho Posoła přizjewja, telefonowe čisło (0 35 91) 55 02 12. Witani su tohorunja či, kotřiž njejsu samostejacy. Prošu Wosadnik sobu přinjesć. Štóz chce wotewzaty być, njech to prošu zdžěli.

Putnikowanje křižerjow do Roma

Serbscy křižerjo, kotřiž chcedža so klětu na putnikowanju wot soboty do soboty, 1. do 8. meje, wobdžělić, móža so na internetowej stronje www.posol.de hač do srjedy, 30. septembra, přizjewić. Tam su nadrobne informacije podate. Zdobom je kruh móžnych wobdžělnikow powjetšeny a doba přizjewjenja podlěšena.

Towarstwo w Rumunskej podpěrać

Towarstwo Cyrila a Metoda z.t. (TCM) chce ze swojej akciju „Łužica pomha“ towarstwu Fundatia CJD Domus w Keresztúru pomhać. Štóz chcył akciju z pjenježnym darom podpěrać, njech přepokaza swój dar na konto Towarstwa Cyrila a Metoda z.t. (TCM): Cyrill-Methodius-Verein e.V., IBAN DE65 7509 0300 0008 2823 66, hesło: „Rumunska“. Za dary hač do 300 eurow dosaha za financny zarjad mjeztym jako dopokaz kontowy wučah. Za wyše sumy wustaji TCM darowansku kwitowanku, trjeba pak dospołnu adresu, kotruž měli z mailku na TCM@Posol.de abo telefonisce pod (0 35 91) 55 02 10 zdžělić.

Duchowna hudźba w tachantskej cyrkwi

Koncertny mišter Budyskeho Serbskeho ludoweho ansambla (SLA) Miłosz Wieliński a tachantski kantor Kamil Maksymilian Kulawik wuhotujetaj přichodny nyšpor w rjedže duchowneje hudźby w Budyskej tachantskej cyrkwi. Mjez druhim zanjesetaj wonaj tutu njedźelu 6. septembra, we 18.00 hodź. twórby za wiolinu a pišće. Wšitcy zajimcy su wutrobnje přeprošeni.

Wodźenje, knižna prezentacija a rozmołwa

Pod titlom „W systemje lubosće k blišemu“ přeprošuja awtorojo a wudawačeljo na knižnu prezentaciju z rozmołwu póndźelu, 7. septembra, do wopomnišća na Budyskej 112A w Drježdžanach. Tam předstaja dwě nowowudaći wo róli Diakonije, Carity a opozicionelnych skupin w NDRskim času, kaž tež wuznam za džensniše towaršnostne změny. Zarjadowanje započnje so we 18.00 hodź. Hižo wot 17.00 hodź. poskića wodźenje po wopomnišću. Mjez hosćimi staj bywša krajna biskopka Ilse Junkermann kaž tež bywši prezident Němskeho zwjazka Carity, prelat Hellmut Puschmann. Přizjewjenje njeje trěbne, zastup je darmotny. Nadrobne informacije k programej su pod www.posol.de podate.

Z kapsnej lampu po katedrali

Na wotkrywansku turu po Drježdžanskej katedrali su džěci wot šěsć lět, młodostni a swójbny přeprošene. Wječorne wodženja z kapsnej lampu poskićuja we wobłuku 275. róčnicy poswjećanja Dwórskeje cyrkwe. Za póndźelu, 19. oktobra, w 19.00 a 20.00 hodź. maja hišće městna. Link k přizjewjenju je pod www.posol.de podaty.

Redakciju Katolskeho Posoła sej wobhladać

Serbski dom wobdźěli so na Dnju wotewrjeneho pomnika njedźelu, 13. septembra, w kotrymž je tež redakcija Katolskeho Posoła zaměštnjena. Wšitcy zajimcy móža sej wot 10.00 do 17.00 hodź. dom bliže wobhladać a mjez druhim rumnosći Katolskeho Posoła wopytać. Wšitcy su wutrobnje witani.

Prěnjowoprawjenske džěci přeprošene

Wšitke džěci, kotrež so na přenje swjate woprawjenje přihotuja, su na zhromadny dzeń do Njebjelčic přeprošene. Tón budže srjedu, 18. nowembra, wot 9.00 do 15.00 hodź. Započatk je z Božej mšu w cyrkwi, na kotruž su tež starši wutrobnje přeprošeni. Zajimcy njech so hač do soboty, 24. oktobra, pod www.posol.de přizjewja. Swójski přinošk na wobdźělnika wučinja sydom eurow.



Ministrantska kopańca

Koparski turněr ministrantow ze serbskich wosadow, kotrychž bu horcoty dla w lěcu wotprajeny, narunaja sobotu, 17. oktobra, w Pěskecach. Započatk je w 9.00 hodź. z Božej mšu we wjesnej kapańce. Mustwa měli so w swojich wosadach přizjewić.